Ихка пинитун ысҳанъаниҳтук. Эхурңам ысҳагъяҳтугақанка тыңагутыт тулъыгит. Тулуңа Қышымун лъималге. Пеқуқ, қангутңамку,гук, қонпың агъюқақуқ алегвигминун нунамун. Сали пиңаюнагвинылыгның гиугилгуҳлъо Қергытагым аньякун аньяко. Аньякут Лъугагун, Атамоя, Ңаңакуқ ынкам гуи. Такут ыскугуматңа. Капилъыпимаўқ Суная. Лъыган ылъкуҳлъуки тыгит капақыкет қангитхун.

Симем қангитхун капақатыки? – апытақақа.

 Натын, гук, тапҳанлъақылгиттыгимтымкеның. Аньянгилңут икаюгакапут.

Қонпың анукагат пекетыкут: қонпың ныңикуглуки тыгит пинақут, утуқат гынреклъуки. Ылъпыси нықыңнехуси, ке-ам ыльңит аңукагат нықыңулъықаки?

Пекака, конпың алигнақылге нықнелъық.

 Илини, гук, анукнъухтыпихтака, таўгенак ивыругыт улигакет. Ымыгмың пинаюклъуки. Илисимакыпихлъуку имак ынъахтук, – пекук.

Атасимың айвыгнегумакут Имаклъим агуатнани. Тепкеланкук Кылгылъу мылгаримың кафсиның айвыгахтук. Унитапут сикуми амилгит. Хуаңкута-ам, гуи, Нутетегын, Напаюк, Хотхыргын айвыгнегакукут.

Хотгыргым капумаяга айвық. Салуни, уҳқаҳтуқ аньям қайңанун айвық. Айъпиның капьйани таным униўҳта. Қынгуат касугаҳпут айвык. Саяқаглуни, уҳқаҳтуқ аньям қайңанун. Ҳуҳңқугнун Напаюклъу сивуягмун агукук. Анлинҳаўгақылгекук. Сивуягмың ысҳапақапук лъиқа киногми. Айвық амалъи қывлуни лъиқа ум туҳкагагминың Хотҳыргын ануяҳга каплъықлъуку. Нақам мылгаре саникагани авесимаўк. Нақам тугунақныгмың кимаугеқа айвыгым. Налъиглуни туаҳта мылгарини. Ҳулигнақъяга, ифкага ҳуни. Нақам лъыган айвыгым